

Ein treüwe ermanung an

die Strengen/ Edlen/ Festen/ Frommen vnd

weyßsen Eidgenossen/ das sy nit

durch ire falschen prophe

ten verführ^et/ sich

wider die lere

Christi setzend.¹

¹Zeichen-, zeilen- und seitengerechte Wiedergabe des Textes nach dem Druck ZHB Luzern H. 15' 122 der Zentral- und Hochschulbibliothek Luzern. Gedruckt wurde die Schrift 1523 bei Adam Petri in Basel (VD16 H 4308). Signatur: ZHB Luzern H. 15' 122. 8° / UB Basel FP XI 7:13; Finsler, Zwingli-bibl. N. 112a ; Herzogs Realencyclopädie 3 VIII, 241 ; Hieronymus: Petri/Schwabe, Nr. 132Der Druck umfasst 11 Blatt (21 Seiten). Eine weitere Ausgabe der Schrift erschien 1523 in Augsburg unter dem Titel: Ain Treüe Ermanung an die strengen. Edlen, Festen, Frommen vnd weyßen Eidgnossen, das sy nit durch ire falschen propheten verfür, sich wyder die lere Christi setzent. (VD16 H 4307). Transskription: Hochgestelltes kleines e und kleines u werden wenn möglich zeichengerecht dargestellt (ë, ö, ü, ü). Doppel-s (sz) ist der heutigen Schreibweise (ß) angepasst. Der Buchstabe „s“ wird einheitlich dargestellt. Tilden (˘) werden sinngemäss als n oder m interpretiert. Abkürzungen für „vnn/vnd“ und „der/ver“ sind aufgelöst.

Gnad/barmhertzigkeit vnd

fryd von Gott dem vatter vnd vnserm herren Jesu Christo.

O ir strengen/Edlen

Erenfesten/ frommen vnd weyssen herren auß hertzlicher begird/ lobes/ eren vnd heyl üwers vater landts bin ich geursacht eüwer weißheit mein ernstlich anligen zü erzelen/ nit das ich vermeyn bey euch gebresten oder mangel zü sein der weißheit/ sonder das ich sihe/ das man eüwer fromkeit gar wol hüten/ nach dem gebott Christi Matthei.vij. Vor den wolffen/ so zü euch in schaffskleidern kommend/ vnd also eüwer fromkeit durch das schaffskleid verfür/ merckt nit den wolff der darunder verborgen ligt/ bin ich also geursacht euch zü ermanen/ nit auß mangel keiner fürsichtigkeit bey euch/ sonder auß anligenden schmerzen vnnd pflicht Christenlicher brüderschaft/ so sihet man auch das etwan von vnachtbarn leutten gütter radt kommen ist/ Als man list von Daniel dem kind/ Dan .xiiij. vnd vil andern mer auch nach gemeinen spruch/ kind vnd narren oft die warheit sagend/ Denn ich acht mich nit anders gegen eüwer weißheit denn ein kind vnd thoren/ bitt also demüütiglich eüwer weißheit meiner thorheit so vil zeit nit abschlahen/ sonder güttlich vernemen/ vnd nit erst mals die verwerffrn/ auß haß mercklicher parthien vnd widerwertigkeit halben/ so yetzt leyder

Nitt erst=
mals ver=
werffent

A ij

in der Christenheit ist vnd also mich vngehört verwerf=
fen/ als ein Bapstlichen (als man denn spricht) oder
Lütherischen.

Party soll
niemand anli
gen/ sonder
einigkeit

Der heiligen
kirchen nutz.

Grösse der
sach in war=
heit.

Wer sol ver=
teilen.

Thun wie vn
ser fordern.

Ich bezeug mich also zü ersten gegen gott meinem
herren das mir kein parthy denn allein einigkeit Chri
st vil mer anligt/ so ir regenten sind eüwers lands/ nit
allein schuldig vnd pflichtig sondern auch güttwillig/
nit allein darzū zeratten/ sonder ettwan leib/ eer vnd
gütt vnnd das leben gesetzt handt die Christenlichen
kirchen (als euch für geben wardt) zü beschirmen/ bin
also in hoffnung/ ir versagent yetzt nit in trüwen dar
zū ratten/ denn nit der mynst teyl an euch lygt/ als
denn vnser vatter der Bapst in seinem Breve auff dem
tag Lucie zü Baden im ergow gehalten/ auch vergi=
cht vnd bezeugt.

Syd num zü mererm teil dis treffenlich handels/ nem=
lich zü uereinen die widerwertigkeit vnnd spann vn=
sers glaubens auff euch ligt/ ist da nit zü gahen/ sonder
alle ding nach aller dapfferkeit vnd ernst zewegen vnd
ermessen/ damit niemand dadurch verfü/ zülest ir
schwere rechnung geben müsten/ denn es nit vmb zeit
lich gütt/ sonder ewigs/ nit vmb ein irdisch land/ son=
vmb das himelisch reich/ nit vmb den leib/ sonder vmb
die seel zü thun ist/ vnnd so die sach grösser ist/ ye mer
fleiß vnnd ernst sie fordert/ ist auch nit dem gemeinen
man hierinn zü vrteilen/ sonder allein denen/ so gött=
licher gschrift bericht sind/ darumb ist nit weißlich ge=
redt/ wie ettlich thünd/ di auß vnuerstandnen gewalt
in die sach vallend/ sprechende/ Jch will thun wie mein
fondern/ man muß vorsehen ob unser fordern recht than
haben/ denn hundert iar vnrecht (spricht man) wardt

nie recht/ nit dz ich sprech dz sy vnrecht gethan haben/
vil mer bit ich gott die gnade vns z^u geben/ die sy ge=
hebt hand/ so würde diss zwitracht bald abgestellt/ denn
hett jnenn der ewig gott die klarheit seines heiligen worts/
wie vns/ gesendt/ sy hettens mit grossen freuden ange=
nommen/ so wir mit ir fromkeit vnser sund decken w^öllend/
sprechende wir w^öllend jnen nachfolgen.

Klarheit des
gotts worts.

Nun aber ir theüren Eidgenossen hand eüwer for=
dern von aller welt gehabt das lob der gerechtigkeit/
so dz alle die in fr^ömden landen (ich schweig vnder euch)
z^u recht nit kommen m^öchten/ fluhen hinder euch/ vnd ward
jnen geholffen/ Alßs noch yetzt auch beschicht/ vorbe=
halten die so mit der leer so man Luthers nent verarg=
wont sind/ denn der selben ettlich bey euch angenommen/
vnd vngeh^ört ir antwort/ als ketzer oder zertrenner Chri=
stenlicher einigkeit verdampt/ vnd wie wol diß von euch
in g^ütter meinung beschicht/ forderte doch billigkeit
vnd gr^össe des handels dz ir den grundt mit merem ernst
erkiesetend/ denn eüwer frommen fordern hettend in kei=
nen weg also geylet/ sonder gethan nach der lere Da
uids/ psa.ij.iiij. Richtent nach der Gerechtigkeit ir sün
der menschen/ welches erfordert verh^örung des andern teils/
Nit dz ich sprech/ o ir frommen Eidgno. dz ir vnrecht rich
tent/ sonder beger das beyde teil so einander widerspre
chend nach form gemeines rechten gegen einander geh^ört
werden/ den vngerechten mit zimlicher straff schwigen
heissen/ vnd w^ölt gott dz ir/ o frommen Eidgenossen/ al
so gestrackt hieltend die form z^u vrteilen eüwer fordern
in diser sach/ als ir sunst ir nachfolger w^öllend sein/ denn
vnge^ört were bey jnen gesin/ so sich einer begeben hette
sein sach z^uuerantworten/ darüber solt on verh^örung
verurteilt worden sein/ Das aber euch vnser h.vatter der

Der alten
Eidgenossen
gerechtigkeit

Den grundt
erkiesen.

Teil gegen
einander ver
h^ören

Vngerechtig
keit.

A iij

Bapst lobt vnd breist für allen Christen fürsten vnd herren/ Als die so Christenliche freyheit alzeyt beschirmt habend/ euch bit fürhin des gleichen zürt^o etc. Hie ist nott o ir werden vnd theüren Eidgenossen/ dz ir vff th^ond die augen eüwer vernunfft vnd wachend/ dz euch vnder disem schaffkleid nit ein r^obiger wolff hindergange/ als etwan mer beschehen ist/ ir h^orend die glatten wort durch die er euch vermeint vnd hofft z^u kutzlen/ vnd in erhebung solchs r^umß verwicklen/ das ir gleich vff sein wort nit witter fragende/ bawen sollend/ so er doch als ein mensch irren mag/ auch nicht s^ucht die ere gotts/ sonder sein nutz/ damit der R^omisch m^utwill nit ab=
neme/ m^ogend ir in in solchen wol rh^um vnd lob von b^äpstlicher H.empfahen/ aber mit grossem schaden eüweres g^utts/ leibs vnd eren gegen der ganzen welt/ so ir w^oltend ein beystandt th^und den der sein sach noch nye rechtlich bewerd^t hat

Warhaffti=
er rh^um

O ir frommen hertzen wie vil mer lob/ rh^um vnd eren gegen gott vnd aller welt euch bringen m^ocht/ so ir vff mencklichs anklagen begerten den anderen teil auch z^u h^oren/ vnd auff solches vor allen dingen ansehen/ Das wort gottes vnd leer Christi Jesu/ den vns gott der hymelisch vatter hat geheissen h^oren/ Matth.xvij. Der vns auch niit gelert hat denn was im sein hymelischer vatter befallen hat/ Jo.v. Da mochte man spr^üren denn geist gottes in euch sein/ wann Christus sagt/ wer auß gott ist/ h^ort die wort gottes/ darumb sprach er z^u den Juden vnd allen so es nit h^orend/ das ir es nit h^orend/ sind ir nit auß gott/ Jo.vij.

auß gott nit
sein.

Vngetreüwe
lere.

Welches aber sye das wort gottes/ des menschen/ oder des teüfels mogend ir selbs wol mercken/ darumb/ o ir Erenfesten leütt th^und auff die oren eüwer vernunfft/

vnd bruchend die augen eüwer weißheit/ vnd sehend
für euch/ wann es vmb eüwer orten vil gar mißlich
stat/ da ir den wolff im hauß/ die schlangen in der schoß
zihend/ das sind die so in hoher achtung bey euch eü=
wer alt lob vnd witlöffigen rhüm der gerechtigkeit zü
schwächen vnd gar abtthün (doch vnder gütten schein)
sich flissend/ so sy euch an der statt do sy allein Christi
vnd sein göttlich wort offnen soltend/ die leer irs vat=
ters das ist ders teüfels in euch truckend/ lerend vnd heis
send euch ertrencken/ erstechen/ verbrennen vnd alle
plagen anstat denen/ so sy nit widrig weren kunst
halb göttlicher gschrift ir schüch zebringen/ die noch
nie zü verantworten gehört sind/ die nit mer begerent
denn mit solchen des teüfels evangelisten in göttlicher
gschrift zersprachen/ Aber die so das wortt gotts nit
wüssen/ noch leyden mögen/ so sy sich mit gschrift vnd
recht nit beschirmen mögen/ rüffend sy euch anunb ge
walt/ si sy doch nit aders brauchen solten denn das
schwerdt das in Paulus gibt/ ad Ephe.vj. Nemend
das schwerdt des geists/ das ist das wortt gotts/ das
thünd abder die nit die es nit bruchen könnend/ denn inen
wardt sich selbs ee verwunden denn ein andern letzten/ vnd
so
solche dz recht schwerd dz so ist ein waffe eins mans nit
brauchen können/ so nemend sy die waffen der wyber/dz ist
sy grynend am kanzel/ ich fürcht mer umm abneming des
opffers/ denn als sy sagend des glaubens/ sy scheltend/
ketzerend/ schreyend/ verbrenn/ erstich/ ertrenck etc. warumb
schreyendt sy nit/ heissend sy antwort geben ir rede/ wir
wendt sy mit gschriften bestan/ wir wend nach form bil
likeit vnd rechtens mjn Jn handeln/ vnd der Gleichen so bißher

Vngetewe
lerer

Warhafft le=
rer verfolgt.

Anruffen den
gewalt für
recht.

Weiber waf
fen.

Merk hie
wol.

vnder vnd bey euch o frommen Eidgenossen gewonn vnd
recht gesyn ist/ denn (also ob stat) bißher ist welchem ge=
walt beschehen ist hinder euch geflohen/ bey euch recht
gesücht/ Nun sehen zü wo für euch die achten die ir so
groß achten/ biß her hand die recht bey euch gesücht/
den gewalt beschehen ist/ yetzt rüffen die zü euch vmb
gewalt die das recht nit leyden mögen/ Oder mögent
sy recht erleyden/ warumb rüffend sy nit euch an/ dz
jr ir wider parthy gegen jn stellent/ wort vmb wort/ ge=
schriff vmb gschriff zü geben/ Sehend zü/ ob nit solch
schandt euch zü legend Bapst/ Bischoff/ Probst vnd
Pfarrer/ so das wort gottes nit wissent/ nit lyden wöl
lend noch mögend/ so nüt anders konnend/ denn als
ob jr ire nach richter weren/ schreyen/ verbrennend/ er=
stechend/ ertrenckend etc. Betrachtend was eren euch
die gethan hand/ die auff genanten tag den frommen
Pfarrer von Höng vor euch verklagt hand/ begeren
sy rechts/ warumb hand sy nit den frümme fürsten vnd
herren herr Hugen Bischoff zü Kostentz als iren geist
lichen herren angerüfft/ vor welchen solch sachen al=
ler billigest solten gehandelt werden/ oder trüwend sy
jm nit das er so gerecht wer/ das er jnen recht hielt/ vnd
sprech/ Oder warumb füffen sy nit ein Ersamen/ wey=
sen Radt von Zürich an/ ir weltlich ober herren/ hand sy
dz in iren De foro competenti gelernt/ sy hand dz recht
geforchten/ vnd also zü euch keret/ eüwer einfeltigkeit
vnd fromkeit zü mißbrauchen/ also vermeint das recht
zü fliehen vnd gewalt süchen.

O ir strengen/ erenfesten helden/ lassend euch diese
schmach brewegen/ die zü so grossem nachteil ye herge=
brachten lob vnd ere dienet/ vnnnd ylend nit zü fast/
betrachtend was ir thünd/ Es ist noch gütter zeytt/
ir törrffent

Hilff vmb vn
recht

Ein frömer
pffarrer.

Bischoff von
Kostenz.

Es ist noch
gütt zeit der
sach recht zü
thün.

ir dörrfend nit vil erfarnus noch lere/ wie ir im thūn sol
lent/ ir hand vor euch klar vnd gewiße exempel/ eüwer
fordern/ wo allein die wolff mit iren schaff kleidern vnn
verfürischen Worten nit überstützend/ Lassend euch
warnen vor allen solchen wölffen/ die wolfangel die der
oberst in seinem wappen (nit vn mysteri) für^e/ Lassend
euch warnen Christum de treüwen hirten vnd seligma=
cher der vns dise wolff klerlich anzeigt/ vnd sy bey iren
wercken kennen lert/ sprechende/ Matth.vij. Auß iren
früchten werden ir sy kennen/ Was sin nun die wort an
ders den frucht des hertzen/ Luce.vj. Auß volle des her
tzen redt der mund.

Lassend euch
warnen.

Sehend zū ir frommen Eidgenossen wo dieser wolff ligt
ob das nit ein schedlicher wolff sig/ der nit allein den
leib/ sonder seel/ leib/ ere vnd gütt vndersteet zū vertil
gen/ wider eerlich löbliche gewonheit hochberümt^e
gerechtigkeit/ eüwer fordern.

Hochberümt
gerechtigkeit

Ich wil alzeit vnbeschirmt haben/ ob ettlich vnge=
schickt/ vnchristliche wortt triben/ sonder nit minder
euch bitten vnn ermanen sie selben zū straffen/ doch
alweg ir rede vnd Worten nach billigkeit sich verant=
worten lassen/ Denn oft solche verborgene wolff
vß nid vnd wolfischer art me geredt wirt/ denn die war
heit erleiden mag.

Straffen sol
man vnchrist
lich wort vnd
weiß

Wie wol/ o ir frommen Eidgnossen ich mit vil wor=
ten euch ermant habe/ hoff ich doch euch sollend vill
mer bewegen/ eins teils schmach vnd schand so euch
zū gefüt wirt/ doch nit von yederman verstanden/
von denen/ so nüt denn gewalt bey euch süch^oend/ an=
dersteils angeborne von eüweren fordern hat liebe der
gerechtigkeit/ Das ir nit wöllen glauben keiner par=
B

Gewalt sü
cher.

Christlicher prediger nutz.

ty/ es sey denn mit kundtschaft/ beweist/ vnd mit geschrift dz recht vnd vnrecht erkennet/ als den etlich vnder euch noch bißher löblich erzeugt haben/ vnd die so vil mer so durch Christenlicher prediger in gottes lere baß vnderweist sind.

Zürich ein löblich gemein.

Geleert pfarer.

Berner dapfferkeit.

Zu dem ersten die dapfferen Eidgenossen von Zürich so in ordnung einer löblichen vnd frommen Eidgenossenschaft die fordersten geacht werden/ wöllend auch in nachfolgung vetterlicher gerechtigkeit nit die letsten sein/ welche so sich spenn vnd zwitragt erhebend zwischen iren predigern/ stellend sy gegen ein ander ein yeden sein wort ze verantworten/ darnach dem so das woert gottes klarheit geoffnet hat beistand thund/ Jtem so hand sy nit mit gewalt wie der Bapst begert entweder sitten wöllen anhangen/ sonder auff anklagen eins Bischoffs von Constantz/ der seine doctores zu jn schickt/ irem pfarrer sich zuuersprechen nit abgeschlagen/ darnach als ein Christenlicher syger beistand than/ Auch sind sy in dem zu loben das sy sich sonders geleter pfarrern fliessend/ denn kein böser ding ist denn ein vngelerter pfarrer. Hierumb o du Edels Zürich soltu billich frolocken vnd dich freuwen in dem herren/ vnd jm on vnderlaß dancksagen/ das er dich mit solchen predigern heimsucht hat/ vnnd nit minder das er dir die gnade geben hat solcher lere nit iren/ sonder Christe anzunemen.

Nit minder sind auch ir weisen Eidgenossen von Bern zu loben in eüweren beistand der warheit vnd Christenlichee lere/ so ir zu helffend denen so falschlich von iren dechan oder andern verklagt vor dem Bischoff werden/ die ir auffenthlatend geschickt vnd geleerte pre

diger/ vnd ander des worts Christi verstendig in eren hal=
tend/ habend lein zweifel Christus vnser seligmacher
wirt widerumb euch eren/ vnd solchen schirm sinem wort ge
than/ mit ewigen belonung vergelten.

Nun o ir frommen Eidgenossen von Lucern/ so ich an
euch gedench/ wölte ich lieber weinen vnnd beweinen
eüwer ellend/ das ir so hartmütig vnd verstopfft sind
in euch selb/ das ir alle die verfolgend/ so die seligen le=
re Christi verkündend vnd veriehend/ die hoch haltend
vnnd erhebend die iren wider strebend/ vnnd wöllend
doch solichs gerümt sein/ Das mich so vil mer bekum
mert/ so ich euch mer eren vnd heil gönn/ denn mir vill
eren vnd göts beschehen ist in eüwer statt/ do ich mich
etwan bey euch ein zeit enthielt/ auch bey euch erfarn
hab/ ere der geistlichen/ gerechtigkeit der obern/ dapf=
ferkeit der eltern/ zucht der frauwen/ gotesforcht der ge
mein/ vnnd was zü einen götten/ löblichen regiment
eines gemeinen nutzes erfordert wirt/ Das ich eüwer
lob in frembden landen gar oft gebryßen habe vnnd
gesprochen/ Billich hatt die statt Lucern iren namen/
wann sy ist wol ein Lucern der Eidgenossenschaft/ was
soll ich aber yetzt sagen/ so ich syhe ein solchen wider=
span göttlicher lere/ die das höchst ist/ denn ich muß
föchten das soliches ein straff gottes sye/ vnd anzeig
das ir nit von gott syen/ so ir gottes wort nit hören/
als Christus selbs sagt/ wie wol ich solchs erstmals
nit glauben wollt von denen/ zü denen ich mich so vil
gotesforcht versehen hab/ hab ich doch zü lerst ver=
nommen vnngeschickligkeyt eüwer predigern/ die so
gar Christum den weg/ die warheit vnd das leben zü
rück geschlagen/ euch nit allein der menschen lere/ sonder

Eidgnossen
von Lucern

Der Lucer=
ner ere vnnd
lob.

B ij

des teüfels bottschaft verkünden/ als oben ber^eürt ist/
Darumb alle schuld eüwer blindheit niemandt z^u ge
messen werden soll denn denen so das brünnend liecht
in eüwer lucernen sein solten/ so sind sy ein finster stin=
ckender rouch.

Der Lucer=
ner prediger

O Lucerna Lucerna wie ist dein liecht so gar ver=
löschen/ wie hand dich die ver^efürt in abweg der finster
niß/ die dir das liecht ewiger klarheit gezeigt sollten ha
ben/ O du köstliche Lucerna wie wol werestu wirdig
vnd nottürfftig einer köstlichen kertzen die dich mit dem
glantz göttlicher warheyte erleuchte/ so hastu nur ein
klein stümpfli das do förchtet seiner feiste/ darumb es
dir nit leüchten kan noch wil/ auch alles das zel^öschen
vnderstat was z^u deiner erleuchtung dienen möchte/ als
klarlich am tage ist/ do dir von gott ein heitter klar
liecht ein wolbrünnende kertz göttlicher warheit vnd
lere gesendt wardt/ hat diß stümpfli irlicht vnd schein/
nit mögen leyden/ dann sy in kurtzer zeyt sein finstern
rouch gar verzert hette/ hat mit ertichten lügen/ an=
genommen weinen/ vnnnd bewegen deine bürger auch
dem bischoff von Constantz nach dechischer art falsch=
lich verklagt/ vnd mit solschen gifft vertriben.

Ich hab auch vernommen doch weiß ich nit den grundt/
di siest deins schülmeisters beraubt/ der den rh^um hat
in gantzer Eidgnossenschaft/ der dein bürger vnd kind ist/ der
deine kind mit so grossem treüwen gelert hat vnnnd vn
derwist/ des bistu on vrsach beraubt/ denn das er müß
engelten seiner treüwen vnd göttlicher lere/ Ist dem
also wie mag man dein ellend gn^üg beweinen/ wie bil=
lich sollten dich in treüwen klagen/ alle so dir g^üttes gön
nen/ O Lucerna/ so du mit krieg/ theüre/ oder todt be

griffen würdest/ so vil mer sollen sy dis dein ellend klagen/ das do so vil mer grösser ist/ so vil die seel mer ist denn der leib/ wann krieg/ theüre/ vnd todt schadent nur dem leib/ aber falsche vnnnd irrige lere/ vnd versümmung der iungen/ schadent der seel. O iamer über iamer so vil mer zû erbarmen/ so sein minder warnemend/ O du fromme Lucern wo sind deine priester die Christi Euangelion wissend vnnnd verstand? fürchtend sy nit den flûch Esaie.vj. We mir das ich geschwigen han/ so sy hörend solch vnchristenlich/ verfürisch predigen/ weinen das sy nit mit Christenlicher dapfferkeit dawider redent/ sonder lassend also ire frommen bürger verführt vnd verwist werden.

Falsch irrige lere.

O Lucerna wie bistu so gar verstopft das du nit erkent hast die zeit deiner heimsüchung/ do dich gott so trüwlich mit seinem göttlichen wort vnd heilsamen lere heimsücht hatt/ vnd dir so ein Christenlich gelerten prediger zû gesend hatt/ hastu gethan gleich als die schlang/ verstopft deine oren/ vnd jn vmb die lere Christi vertriben/ Darzû hand dich gebracht die dich leren solten/ die dich solten leren die büß/ hand gemert dein sünde/ die dir zû artzney geben sind hand dich verwund/ die dich führen sollten/ hand dich verweist/ die dir gottes wort verkünden sollten/ hand dir verkündt die wortt irs vatters des teüfels/ lerend dich hauwen/ stechen/ brennen vnd ertrencken/ die sy noch nit vnrecht than bezeuget handt/ noch wöllend/ verschryend als ketzer die sy noch nie gehört/ noch ir lere gelesen hand/ denn das sy in tabernen vnd zechen hand gehört sagen/ on gezeugnis der warheit.

B iij

Sich nun z^u du Edle Lucern/ das sind deine prediger/ fürer vnd lerer/ vnwissend/ blind vnd vngeleert/ die ir predigen in den schlafftrüncken studieren/ Welch fromm hertz wolt sich nit über dich erbarmen/ ich fürcht gott hab durch den propheten von dir auch gesagt/ Hiere.I.Mein volck ist worden ein verirret herdt/ ir hirtten handt sy verfür^et/ vnd handt sy gemacht vmm^eschweiften in den bergen/ von dem berg sind sy gangen auff den bühel vnd handt vergessen ihres betts.

Falsch vnder weyser

Schandtlich hirtten.

Hie were wol z^u melden vn^egeschicklichkeit/ vnd vn^echristenlichen lere deine hirtten die ich vernimmen hab/ damit aller welt kund wurde dein ellend damit mencklich bewegt würde sich deinen erbarmende gott an^ruffte dir vmb ein hirtten der dich wider auff den rechten weg fürte/ deine zerstrawerern samlete/ vnnd dir das wort gots allein vvekündte/ wil ichs doch hie bey bleyben lassen/ vnd deine hirtten nit geschenden/ denn sy handt sich selb genüg geschendt durch des teüfels lere/ vnd lassend sy nit dauon werdent sy ewiglich geschendt von gott/ des lere sy so mit allen krefften widerstrebend/ auch zeyttlich hie wo sy beharrend von etlichen recht ab contrafeiet/ vnd mit iren farben aussgestrichen/ damit man sy kenne vnnd sich der einfaltig/ fromm Christ wüsse vor jnen z^u hütten.

Allenhalb frumm christen.

Jch solt euch ermanen o ir handfesten Eidgnos^esen von Uri/ Schwitz/ Unterwalden/ Zug / Friburg/ vnd Appenzel/ denen noch schir allen das wort gottes gar widrig ist/ doch einem mer denn dem andern/ denn man an allen ortten fromm gütt Christen sindt an allen ortten do man der lere Christi widrig ist/ doch als ich

verstan an keinem so fast als zū Lucern/ Schafft das
an keinen ort so vnchristlichen darwider geprediget
wirt/ sunst als ich ettwan das volck erkent habe acht
ich kein ortt da leütt begiriger eren des worts vnnd
lere Christi/ aber ir hirten sind blind vnnd blinden fü=
rer/ gott gebs jnen zū erkennen/ hierumb hab ich Lu=
cern hōcher müssen klagen denn anderer ortt/ Das jm
ee geholten möchte werden/ vnd aber ellendklicher ver=
seumpt wirt/ Es sollend auch andere ortt nit minder
beweint werden vnd geklagt/ die mit gleicher blind=
heit geschlagen sind/ vnd gleicherma verfürd werden/
Man soll sich auch freuwen vnd frolockem mit denen
von Zürich vnd Bern/ mit allen denen/ so durch gna
de gottes mit gelerten leütten vnd predigern versehen
sind/ die offentlich vnd frey bey jnen die lere Christi pre
digen lassen/ vnd das wortt gottes nit vertrucken/ Als
bey den weyßen vnnd wol geachten Eidgnossen von
Basel/ Glariß/ Soloturn vnnd Schaffhausen/ wie
woll noch vil ior widerspennig sind/ ist doch die lere
Christi frey/ der wirt (ze hoffen ist) sein gnad vnd geist
in kurtzen jnen allen geben/ Amen.

Dise als die weysen/ hand jnen zū eim beyspyll ge=
nommen den weysen Gamalieleum Actuum.v. Der
do die Juden die jünger Christi von ir lere wegen wol=
ten rechtfertigen vnnd durchechten/ sprach/ ir Jsrahe
litisch mannen/ Achtend wz ir disen manen thünd/ legend nit
handt an sie oder gand ir müssig vnd lassend sy/ ist diser ir
radt oder werck von den menschen/ so wirt es zū nüt/ ist
es aber von gott so mögend ir im nit widerstreben/

das ir villeicht nit werden funden/ das ir gott wollend
widerstritten/ o ir frommen Eidgnossen/ wölte gott das
ir all dem frommen vnnnd weißen Gamaliel volgend/

Edel statt
Basel.

Hie solt ich billich in sonders loben die Edel vnnnd
hoch geacht Statt Basell die zů merung Christen=
licher ere vnnnd göttliches lebens sich wunderbar=
lich übt mit dem truck/ aller handt büchern/ so darzů
dienend/ also das nun zůmal in aller Christenheit nit
ist ein statt/ da man mer göttlicher vnd Christenlicher
bücher zů merung vnd trost vseres glaubens trucke/
vnd wie wol si etwan von den vnwissenden durch ein

Gott mer eren
denn menschen.

geben des teufels angefochten sind solches abzůstellen
hand sy als die weisen vnnnd Christenlichen gott mer
wöllend eren denn die menschen/ vnd bißher in irem Chri
stenlichen fürnemen verharret/ darumb sy billich hie
lob/ dort ewig belonung erholen werdent.

Nun das ich wider auff mein fürnemen kum/ da=
uon mich kommer vnd erbermd mercklicher blindheytt/
ettlicher ortten außschweiffig gemacht/ Erman ich
euch abermals o ir strengen vnd weisen/ ir wöllend eü
wer alt ererbt von eüwren frommen fordern rhům lob
vnd eer behalten.

Beide teil
verhören.

Zů erst keinen auff eüwer prediger geschrey verach=
ten/ verdammen oder sunst straffen/ ir habend denn
nach form alles recht vnnnd löblich eüwer fordern
brauch beyde teil gegen einander verhört/ vnnnd denn
nach beweisung göttlicher gschrift mögend ir vrteilen.

Gots wortt
annemen.

Zů dem andern ermane ich euch der gehorsami so wir
all gott schuldig sind/ ir wollen ihnene so nüt denn das
wort gotts verkündet göttlich hören/ vnd nit achten
ob es ettwan wider Bapst/ Concilium oder alten bruch

ist

ist/ ist doch ein Bapst wider den andern/ ein Concilium
wider das andere. Allein das wortt gotts bleibt ewig/
David psal.cxxix. Auch so vil gott mer ist denn der men
sch/ so vil sol ein wort vnd gepott höher geacht vnd
gehalten werden/ Es mögen auch die menschen irren/
wie heilig sy sind/ wann syben mal felt der gerecht eins
tags/ Prouer.xxiiij. gott aber mag nit irren/ er mag
nit betriegen/ de do ist der weg/ die warheit vnd dz leben/
der do wil seine wortt gehalten werden/ bey dem min
sten puncten/ wann er spricht himel vnd erden wer=
den zergan/ aber meine wort werden nit zergan Math=
xxiiij. Marci.xiiij. Luce.xxj.

Vnangesehen
zeitlichs
nutzs.

Wort gotts.

Darumb ir frommen Eidgenossen/ lassend euch zü
hertzen gan die gepott gottes beschlossen in dem Con=
cilio der heilihen driualtigkeit/ gott geb wz de bapst
vnd sein Concilium sag/ Christus warer Gott vnd
mensch hat für vns gelitten/ in des namen wir auch
getröst sind/ nit des Bapstes noch Conciliums/ Dar=
umb sollen wie den selben Christum/ sprich ich/ hören/
Jn hat auch die vetterlch stimm bezeuget von hymel er
ab sprechende/ Diß ist mein geliebter sun in dem ich
mir wolgefall/ oder versönt bin/ den hörend/ Matth.
.xviij. Marci.ix. Was wöllend wir nun für kunt=
schafft mer? nemend wir an die zeügniß der menschen ist
doch zeügniß gottes mer grösser/ das ist aber die zeüg
nis gottes die grösser ist/ denn er gezeugt hat von sey
nem sun.j.Johan.v.

Christus lere
folgen.

So wir nun allein gott hören sollen/ wie wöllend
ir o frommen Eidgenossen verantwortten/ das ir hörend
deb Bapst in sachen die wider gott sind/ vnd verach=
tend gott/ Der Bapst gibt euch gelt/ dz ir jm helffen

Sachen wider
gott streiten.

C

das Christen blü^ott vergiessen/ Gott spricht/ du solt nyemandt tö^eden/ Hie aber betreü^egt euch der wolff im schaffkleid/ vnnd spricht es sy der kirchen ding/ vnnd Sant Peters vnd Christi erbgü^ott/ so doch die kirch nitt in vil land vnnd leü^ott stat/ vnnd Sant Peter ein armer bettler gesyn/ Christus floch do man jn zü^o künig machen wolt/ Johannis.vj.vnnd sprach auch zü^o Pilato/ Mein reych ist nit von diser welt/ Johannis.xviiij.vnnd der Bapst erhebt sich über alle fürsten/ künig vnnd keyser/ vnnd wil dennoch Christi statthalter vnnd Sant Peters nachfolger syn.

Gotts gnad.

Der Bapst kummt mit grossem ablaß vnnd gna⁼den versyget mit bley vnnd wags/ verkaufft es vmb groß gelt/ vnnd da loufft menklich hyn/ Gott kumpt mit reichen gnaden mit versprechniß aller gü^otern vnd warer verzyhung aller sünde/ die er versyget hat mit seynem heyligen Sacramenten/ Ladet vns dar zü^o vmb sonst on alles gold vnnd sylber/ Esa.lv. Vnnd wenig hö^erend jn.

Gots gebot.

Der Bapst verbeü^ott fleysch vnnd eyer in den fasten zü^o essen/ wer das überträ^ott/ wurde hoch von der welt gestrafft/ Gott verbeü^ott den eebruch/ wo strafft man den? nit allein sprich ich strafft man jn nitt/ sonder wil man syn gerü^emp^t seyn/ was aber gott von vnder⁼scheyd der speysen gebotten/ ließ Huldrich Zwinglins bü^och von erkiesung der spysen.

Eelichen stand verotten.

Der Bapst gebeü^ott der priesterschaft die ee/ das wo ein piester ein weyb nã^m zü^o vermayden ferlig⁼keyt seyner seel/ vnnd verbö^oserung seyner nehesten/ der mü^est von geystlich vnnd weltlich gestrafft werden/ Gott verbeü^ott alle vnkeuscheyt ausser der ee/

darumb die ee allen frey gelassen/ Ob aber ein prie=
ster hette zwo drey dirnen eins jars/ zwey drey kind/
schwecht iunckfrauwen/ verfür^et eefrauwen etc. schadt
alles nit/ so ferr das er nit habe ein fromme eefrau=
wen/ mit derenn er fromklich vnnd eerlich hauß haltt/
wil nit melden was bö^esers auß solchem gepott erwa=
chst/ sehend hie in/ wie groß verachtung gottes gebot
kommen/ vmb des menschen willen/ doch gelt ma=
chts als schlecht.

Wye möchtend ir o frommen Eidgnossen baß
th^un/ das euch gegen gott vnnd der welt loblicher eer
licher vnnd heilsamer were/ denn wann ir eüwer prie=
ster zwingen rein z^u bleiben/ oder eim yeden ein ey=
gen eeweib z^u haben/ die übertrettenten mit hoher büß
straffend/ wie meng groß laster/ eebruch/ todtschlag
vnnd bö^esers würde vermitteln/ würdend auch so dur=
ch eüwer hilff getröst in ir gewißne wurden gott flei=
sig für euch bitten/ vnd gott nit vnbelonet lassen.

Ich möcht gar vill anzeygen/ wie wir in solchem
gar großlich irren das wir vnß fürchten da kein for=
cht ist/ das ist vor dem Bapst/ vnnd Gottes achten
wir gar nit vnnd seiner gepott/ an denen doch vnser seligkeyt
statt/ noch wöllend wir alwege seyn gütt
Christen/ hand woll seynen namen/ aber mitt den
wercken leügnen wie jn/ denn wir hand ein andern
den wyr wyr fürchten/ das ist der Bapst/ o blind=
heit.

Forcht on vr
sach.

Gütt Christen

Wie wol des Bapstes gepott alle vnder güttem
scheyn dar gethan werden/ vnnd mit schön^en farben
auß gestrichen/ ist doch alweg darunder ein wolffangel
verborgen/ mag doch allein dz man sy alle mit gelt ab=

C ij

Mit gelt ab=
kauffen des
Bapst ge=
sätzen.

kauffen kan/ Was dörfend wir ein andern weg s^och
en/ denn der/ der do selb sprach/ ich bin der weg/ die
warheit/ vnnd das leben/ Johannis.Xiiij. der do spra=
ch/ Wer durch mich ein gatt/ wirt narung finden/ Jo
hannis.x. yetzt sind aber ander kommen/ die vns ein
andern weg füren w^öllen/ wüssen nit wie trewlich Pau=
lus sein Galater vor solchen gewarnet hat Capie.j.
Jtem Christus vnser treüwe hirt vnnd seligmacher/
do er sprach/ Matthei.vij. Achten auff die falschen
propheten etc. Paulus hatt auch solichs heitter ange=
zeigt künfftig sein/ das man also bet^ören würde/
do er sprach .j. Timoth.iiij. Der geist redt ausserschei=
denlich/ das in den nachkommenden zeyten/ ettlich
von dem glauben weychen werdent vfflosende den ver
fürenden geisten/ vnnd leren der teüfeln die in gleiß=
nerey lüginen an geben werdent/ vnd doch in iren ge=
wissen schandtlich gebrent sind/ die da verbieten wer=
dent die ee/ vnnd heissen meyden die speyß die gott ge
schaffen hat z^u niessen mit danckbarkeit etc. Nun se=
hent ir frommen Christen wen er meine/ welchen er euch
da vor gemaldt habe warlich den Bapst.

Gott gehor=
sam mer denn
den menschen

Sehend nun o ir weyßen herren vnnd betrachtent
in euch selb den spruch/ Actuum.v. Man müß gott mer
gehorsam sein denn dem menschen/ vnd verkerent di=
se ordnung nit/ damit auch gott euch nit gebe in ein
verkerten sinn/ vnd eüwer lob verkere in ewige schand
vnnd schmach/ vmb das ir hand verachtet seine wort
vnnd angenommen die wort des teufels/ denn was nit
mit gott ist/ ist wider jn/ vnnd wer nit samlet mit jm/
der zerstrawet/ Matthei.xij. Jtem spricher auch/ Sy
hand mich vergebens geeret/ lerend gepott der men=
sch

Wider gott
handeln.

schen/ wie wol auff diß zū beweren alle geschriff lutet/
wil ich doch euch nit lenger mit meinem schreiben mü
hen/ sonder gott mit allem ernst für eüch bitten/ vnnd
euch ermanen zū bitten/ das er euch sende seinen geist
dar durch ir mit frucht mögent empfangen sein wort/
wil also mein wort beschliessen mit dem .iiij. capitel
der andern Epistel Paulian Timotheum/ do er jm
dise wölff auch anzeigt vnnd ir kleider/ thū ich dar=
umb/ das ir da bey auch erkennen/ die so gar freuen=
lich on allen grundt vnd kunst widerstrebend der war
heit/ vnnd spricht/ Du solst aber wissen/ das zū den
letsten tagen greuliche zeyt vorhanden seind/ denn es
werden menschen sein/ die vil von jn selbs halten/ gy=
tig/ stolz/ hoffertig/ lesterer/ den eltern vngehorsam/
vndanckbar/ vngeistlich/ vnfreüntlich/ storrig/ schen
der/ vnkeusch/ vngütig/ wild/ verreter/ frefler/ auffge=
blasen/ die mer liebend wollust denn gott/ die do haben
die geberd eines gotseligen wandels/ aber sein krafft
verleugnen sy/ vnd solich soltu meiden/ auß den selben
sin die heuser durch lauffen/ vnd füren die weiblyn
gefangen/ die mit sünden beladen sind/ vnd faren mit
mangerley lüsten/ lernend yemer dar/ vnd komment
doch niemer zū erkanntniß der warheit/ gleicher weyß
aber wie Jamnes vnd Mambres Mosi widerstunden/
also widerstand auch dise der warheit / Es sind men=
schen eins zertruckten gemüts/ vntüchtig zūm glau=
ben/ aber sy werden nüt mer schaffen/ denn ir thorheit
wirt offenbar werden/ als auch yener ward etc. Amen

Paulus
wortt.